

ների շուրջ ալիքների պսակներ հիւսում, մեծ հողամասերի ավերին տատանուող սաւաններ փռում, բիւրեղ դառնում բեւեռների մօտ եւ արեւի զրկի մէջ թաւալում:

Հսկայ հողամասերը եռուն արիւններով երակներ ունին, ջրերի եւ կրակների հասանքներ, գաղտնի ճառագայթներով կապուած, ո՞վ գիտէ, տարածութիւնների մէջ կորած փնչպիսի աշխարհների հետ:

Աստղերի ներդաշնակութիւնը, կապոյտ, կանանչ, լազուր, կարմիր, միլիոնաւոր մղոնների ծայրին: Ահազին լոյսերի խուժումը ցցուած պարապների կատարին եւ տիեզերքի պայթող սիրտը բոցազեղ մոլորակների շրջպարի մէջ:

Ամէն ինչ իմաստ է եւ ճարտարապետութիւն: Ամէն ինչ հաղորդակից է, երկրաչափական ձեւ, երաժշտական կառուցում, սերմերով լեցուած ումբ, անտեսանելի կապակցութիւն: Տիեզերքը շունչ է առնում վարդի կոկոնի աճման հետ եւ Բերինդեան ծովում խուժող ալիքների հետ: Գիսաւոր աստղերի լոյսին է տենչում նենուֆարը եւ Նիազարան հետապնդում է երկրագնդի սրտում թաքնուած ուժերին:

Մեծ բնագդ: Աստուածաչնչի առաջին տողերի նման պարզ: Բոցավառ ութմականութիւն:

Իսկ մե՛նք՝ մենք կորցրել ենք տիեզերական բնագղը, երաժշտական իմաստը եւ բարձրացել ժայռերի դադաթը:

Պատմութիւնը դուրս է նետուել գերագոյն կշռոյթի բովից, եւ թաւալում է պարապի մէջ:

Միտքը պարում է իմացականութեան դանակների վրայ, եւ կեանքը ոչնչանում է հրահայ մի մեքենայի անթիւ անիւների տակ:

18-րդ եւրոպական դարը սուր եռանկիւնի նման մխրճուել է լինելիութեան սրտին: Պարաւանը կորցրել է իր դանձր եւ խենթացած ուղտերը փախչում են դէպի անապատների կրկնբեւոյթները:

19-րդ դարը, 20-րդ դարը աւազների մէջ հինաւուրց գերեզմաններ են որոնում եւ կըրտաղիւսէ շինուած ծառերի վրայից էութեան պտուղներ քաղում:

Վերդէօնի թնդանօթների ոռնոցի տակ

Մանքերդը իր ամենայոռեւես տողերն է արտասանում, Վիլիամ Բէլկը մեռնում է եւ Նիցչէն վաղուց խենթացել է: Մինչդեռ Նիւ Եորքի վաճառականը, բարձրարարձր տների կատարին, էրզար Պօի բիւրեղեայ տողերի վրայ թուանշաններ է շարում, Մարնը՝ ծովերին հազարաւոր դիակներ է զրկում, եւ Արաքսը արիւնի տակ անհետանում:

Նոր մարդկութեան զիտակցութեան մէջ բեւեռները բախուել են: Բնութիւնը եւ իրերը անջատուել են: Աստուած երերում է իր խաչի վրայ, եւ առաքեալները գնդացիրների տակ մահացել են:

Լամանչը: Իր արիւնոտ թեւերն է կարկռել Հոենոսի եւ Դարդանելի ջուրերին: Արարտի ստորոտին ժողովուրդներ են անհետանում եւ Մոսկուան, կարմիր բոցերի մէջ, կողոպուտի է ձեռնարկել յանուն մարդկութեան:

Մարդիկ փխրուն ճենապակիի պէս փշրւում են եւ քաղաքները ումբերի տակ հնձրւում:

Նաւերից դուրս նետուած ամբոխների նըման, ամբողջ ժողովուրդներ, մարած փարոսների շտարակների վրայից սարսափ են ծամում եւ ահաւոր տեսիլներ զիտում:

Բրազիլիոյ ձեռքերը դողում են, Ամազոնը իր ավերի մօտ կանգ է առնում, Կօնգօս սեւ հրեշտակների երամ է բաց թողել եւ Փոքր Ասիան, խենթացած բորենու նման փորում է Անիի քարերը:

Մտածե՛լ... էրզրումից մինչեւ Մուշ, մինչեւ Վան, մինչեւ էլմիածին արիւնաթաթախ մանրանկարները ճանապարհները լեցրել են քիւզանդական բազմութիւններով եւ օդի մէջ եռանկիւնի աստղեր են պայթում: Կարսում՝ ոտարթրիկ հայ զինուորներ քառասուն աստիճան ցուրտին սառոյցէ դիակներ են մատուցում եւ հրացանները լեցնում Աւետարանի խօսքերով:

Պրագմատիստ փիլիսոփայութիւնը շրջան է, շրջանը՝ անիւ, անիւ՝ մեքենայ, մեքենան՝ Մարթան, որ 60 կիլոմետրից Մինօսեան Վեներայի վրայ կրակ է փսխում:

Հարց է, ի՞նչ է անում Սորբոնում նստած փոքրիկ հրեայ Բերգսոնը:

Ռօտշիլդը տոկոսով փող է բաժանում, փողը գնում է պետութիւնների աղիքների մէջ